

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA SANSKI MOST
OPĆINSKI NAČELNIK

Broj:04-11-1064/23

Datum: 26.05.2023.godine

Na osnovu člana 64. stav (1) tačka b) najniža cijena, člana 65, člana 66 , člana 72 stav (3) tačka c), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14 i 59 /22), na Preporuku Komisije za javnu nabavku broj: 04-11-1064/23 od 22.05.2023. godine, u postupku javne nabavke , Općinski načelnik donosi:

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 04-11-1064/23 od 22.05.2023 . godine i ugovor za javnu nabavku: **Usluga stručnog nadzora rekonstrukcije saobraćajnice u ulici Džemala Bijedića dodjeljuje se ponuđaču “GRAPING” d.o.o. Ključ , ponuda br. 49/23 od 24.03.2023. godine, za ponudenu cijenu od 800,00 KM bez PDV-a (ukupna cijena sa uračunatim PDV-om iznosi 936,00 KM).**

Član 2.

Prijedlog ugovora o nabavci dostavit će se na potpis izabranom ponuđaču “GRAPING” d.o.o. Ključ, po proteku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove odluke zadužuje se i ovlašćuje Služba za razvoj, poduzetništvo i resurse.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama

Obrazloženje

Postupak javne nabavke pokrenut je Rješenjem o pokretanju postupka javne nabavke broj:04-11-1064/23 od 09.03.2023. godine.

Javna nabavka je provedena putem otvorenog postupka.

Procijenjena vrijednost javne nabavke je 4.000,00 KM bez PDV-a.

Obavijest o nabavci broj: 305-1-2-10-3-18/23 poslana je na objavu dana 10.03.2023 . godine, a objavljena je na Portalu javnih nabavki dana 10.03.2023. godine.

Komisija za javnu nabavku, imenovana Rješenjem broj: 04-11-1064/23 od 22.03.2023. godine,

dostavila je dana 22.05.2023. godine Zapisnik o ocjeni ponuda i Preporuku o izboru najpovoljnijeg ponuđača broj: 04-11-1064//22 od 22.03.2023. godine, u postupku javne nabavke: **Usluga stručnog nadzora rekonstrukcije saobraćajnice u ulici Džemala Bijedića.**

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet).
- da je blagovremeno zaprimljeno 5 (pet) ponude i da nije bilo neblagovremeno zaprimljenih ponuda.

Podaci o pristiglim ponudama:

Naziv / ime ponuđača		Neblagovremene ponude / datum i vrijeme prijema	
Blagovremene ponude / datum i vrijeme prijema			
1.	„INDUSTROPROJEKT” AD Prijedor	23.03.2023.g 11:50 h	
2.	“GRAPING” d.o.o. Ključ	28.03.2023.g 10:40 h	
3.	Institut za građevinarstvo “IG” Banja Luka	31.03.2023.g. 10:45 h	
4.	Centar za projektovanje i konsalting “CPK” Banja Luka	31.03.2023.g 10:46 h	
5.	SMAJIĆ-INŽINJERING” d.o.o. Goražde	31.03.2023.g 10:47 h	

Komisija konstatuje:

- Da su 4 (četiri) blagovremeno pristigle ponude prihvatljive.
- Da nije bilo neprihvatljivih ponuda.
- Da je 1(jedna) ponuda “SMAJIĆ-INŽINJERING” d.o.o. Goražde nepravilna.

Prihvatljive ponuda prema kriteriju za izbor ponude- Najniža cijena, kako slijedi:

Naziv / ime ponuđača		Ponudena cijena (bez PDV-a)
1.	“GRAPING” d.o.o. Ključ	800,00 KM
2.	„INDUSTROPROJEKT” AD Prijedor	890,00 KM
3.	Centar za projektovanje i konsalting “CPK” Banja Luka	1.970,00 KM
4.	Institut za građevinarstvo “IG” Banja Luka	2.500,00 KM

Napravilna ponuda;

Ponuda ponuđača “SMAJIĆ-INŽINJERING” d.o.o. Goražde u iznosu od 715,40 KM je nepravilna iz razloga što je ponuđač “SMAJIĆ-INŽINJERING” d.o.o. Goražde propustio dostaviti objašnjenje neprirodno niske ponudene cijene, a što je suprotno sa tačkom 7., podtačke 7.3 i 7.4. Tenderske dokumentacije koje se odnose na neprirodno miske ponude.

Komisija za javne nabavke je nakon pregleda ponuda konstatovala da je cijena ponude ponuđača “SMAJIĆ-INŽINJERING” d.o.o. Goražde za više od 50% niža od prosječne cijene preostalih prihvatljivih ponuda. **Iz naprijed iznešenog vidi se da su ispunjeni uslovi iz člana 17. stav (7) tačke a) Uputstva za pripremu modela tenderske dokumentacije i ponuda ("Službeni glasnik BiH", 90/14), koja glasi "cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude"**

U skladu sa tačkom 7., podtačke 7.3 i 7.4. Tenderske dokumentacije koje se odnose na neprirodno niske ponude, a na osnovu člana 66. stav (1) i (2) Zakona o javnim nabavkama BiH ("Službeni glasnik BiH", 39/14 i 59/22) i člana 17. stav (7) Uputstva za pripremu modela tenderske dokumentacije i ponuda ("Službeni glasnik BiH", 90/14) Komisija za javne nabavke je dopisom broj: 04-11-1064/23 od 07.04.2023. godine od ponuđača "SMAJIĆ-INŽINJERING" d.o.o. Goražde zatražila objašnjenje neprirodno niske ponuđene cijene.

Kako ponuđač "SMAJIĆ-INŽINJERING" d.o.o. Goražde nije odgovorio na upućeni dopis, Komisija za javne nabavke je putem službenog e-maila Službenika za javne nabavke 26.04.2023. godine ponovo zatražila od Ponuđača da se očituje o dopisu i zatražila objašnjenje neprirodno niske ponuđene cijene.

Ponuđač "SMAJIĆ-INŽINJERING" d.o.o. Goražde nije dostavio objašnjenje neprirodno niske ponuđene cijene, nego je 05.05.2023. godine putem e-maila obavijestio Ugovorni organ da zbog velikog obima posla odustaje od izvršenja Usluga stručnog nadzora rekonstrukcije saobraćajnice u ulici Džemala Bijedića.

Komisija za javne nabavke je stava da je ponuda "SMAJIĆ-INŽINJERING" d.o.o. Goražde nepravilna i da se na istu može primjeniti Član 2. tačka L) stav 3) Zakona o javnim nabavkama („Sl. glasnik BiH“, broj 39/14 i 59/22) i ponudu "SMAJIĆ-INŽINJERING" d.o.o. Goražde smatrati nepravilnom, a koja glasi;

L) Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 3) nepravilna - koja nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska;

Podaci o najpovoljnijem ponuđaču .

Komisija za javne nabavke nakon zaprimanja e-maila od ponuđača "SMAJIĆ-INŽINJERING" d.o.o. Goražde sastala se 23.05.2023. godine, te konstatovala da je među prihvatljivim ponudama najpovoljnija ponuda ponuđača "GRAPING" d.o.o. Ključ, ali da je ista za više od 50% niža od prosječne cijene preostalih prihvatljivih ponuda. **Iz naprijed iznešenog vidi se da su ispunjeni uslovi iz člana 17. stav (7) tačke a) Uputstva za pripremu modela tenderske dokumentacije i ponuda ("Službeni glasnik BiH", 90/14), koja glasi "cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude"**

Komisija za javne nabavke je u skladu sa gore navedenim 24.05.2023. godine, putem e-maila i putem redovne pošte uputila dopis ponuđaču "GRAPING" d.o.o. Ključ i zatražila objašnjenje neprirodno niske ponuđene cijene.

Ponuđaču "GRAPING" d.o.o. Ključ je 24.05.2023. godine putem e-maila poslao dopis broj:88/23 od 24.05.2023. godine u kojem je obrazložio neprirodno niske ponuđene cijene.

Ponuđaču "GRAPING" d.o.o. Ključ u cilju objašnjenja neprirodno niske ponuđene cijene navodi.

-- Da su na području općine Sanski Most cijene nadzora dosta niže u odnosu na ostale općine u okruženju, te da je na tu informaciju došao prateći prethodnih nekoliko javnih poziva na koje se javljao sa dosta višom cijenom i u kojima su bili dosta skuplji od ponuđača koji su odabirani zbog najniže cijene.

- Da na cijenu ove njihove ponude utječe i to da već imaju potpisane ugovore o nadzoru sa općinom Sanski Most, sa JU Općinski fond za komunalne djelatnosti i infrastrukturu Sanski Most, koji je potpisan na nivou za cijelu godinu, sa JU OŠ "Mahala"ma nadzoru izgradnje stadiona.

- Da opremu koju koriste omogućava im kvalitetno vršenje nadzora.

-Da se pridržavaju važećih odredbi zaštite na radu.

-Da im je cijena za razliku od ponude za 90 KM niža od slijedeće ponude iza njih.

-Da "GRAPING" d.o.o. Ključ ne prima državnu pomoć.

Komisija za javnu nabavku prihvata objašnjenje neprirodno niske ponuđene cijene od strane "GRAPING" d.o.o. Ključ.

PODACI O NAJPOVOLJNIJEM PONUDAČU		
1.	Naziv / ime ponuđača	"GRAPING" d.o.o. Ključ
2.	Adresa	Ul. Braće Egrlić bb 79280 Ključ
3.	Ukupna cijena ponude bez PDV-a	800,00 KM
4.	Ukupna cijena ponude sa PDV-om	936,00 KM

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene ponude

Izabrani ponuđač "GRAPING" d.o.o. Ključ, **ponuda br. 49/23 od 24.03.2023. godine, izabran je primjenjujući kriterij najniže cijene, za ponuđenu cijenu od 800,00 KM bez PDV-a (ukupna cijena sa uračunatim PDV-om iznosi 936,00 KM)**

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.

Dostaviti:

1. „Graping” d.o.o.o Ključ
Ul. Braće Egrlić bb, 79280, Ključ
2. “Smajić-inženjering” d.o.o. Goražde
Zaima Imamovića bb, 73000 Goražde
3. “Industroprojekt” AD Prijedor
Vožda Karađorđa 14, 79101 Prijedor
4. Centar za projektovanje i konsalting “CPK” Banja Luka
Ul. Ada br. 24, 78000 Banja Luka
5. Institut za građevinarstvo “IG” Banja Luka
Kralja Petra I Karađorđevića 92-98, 78000 Banja Luka
6. Općinska služba 02
7. U dosije
8. a/a

